

吳氏慶元姚信妻

年十九信亡無子家貧氏不改適壽至九十有九

余氏慶元葉宏妻

年十九夫亡遺孕數月堅志守節年六十五卒邑令陳文靜旌其門

吳氏慶元姚贊妻

年二十夫死貧苦自守年九十卒邑令彭适旌其門

李氏慶元吳瑱妻

年二十三夫亡撫諸孤辟纊佐讀戊子水災一隅漂沒獨其夫柩無恙人

以為節孝所感子仕至廉州通判

葉氏慶元監生吳化妻

好讀書年十五適吳夫肄業南雍值姑病躬調湯藥夫歸得疰

羸疾曰吾死任他適氏泣曰是何言不幸當以死殉及夫故絕食七日一慟而殞時年二十事聞旌完節

坊建

吳氏慶元葉舜妻

夫故守節皓首完貞萬厯庚子邑令李質以霜節扁之

劉氏曉姓雲和劉子昂女

及笄將字人氏曰親老矣女他適誰膳晨昏者願依膝下

處州府志

卷之二十二 列女

三

父母既歿遂不字卒年五十景泰間旌表

呂氏雲和生員葉景添妻

萬厯四十二年夫卒氏年十九守節撫孤崇貞間教諭李

元芳以口節允貞旌其門年八十終

王氏雲和徐王妻

徐王雲志作汪年十七夫亡懷娠三月生子慶後家日貧躬紡績以養舅

姑撫子成立

鄭氏雲和顧仕玘妻

年二十八夫亡子幼孀居苦節壽六十八

陳氏雲和吳閏照妻

年二十八夫亡誓無他志姑老病卧扶持不倦勤勞六十餘年縣令

旌其門

梅氏雲和徐壽妻

年二十二夫亡姑諭再嫁梅以死誓志紡績養姑歲飢食姑以米已及二

子俱以麵餅縣表其門曰孝節